



萬一樓續集目錄

卷一

雜詩

看花

刈麥二首

雲濟菴訪譽上人因弔古潭禪師

梯雲巖 詠階梯山十景之一

瀑布泉

經箱石



蓮花池

翫月坡

伏龍潭

降魔石

息心亭

放生臺

錢王井

十景終

山亭早秋

賦得多蝠巖贈講經僧

大塢菴道中口占

贈講經僧

自嘲

喜鄴松隅得子

送顏傳分教慶元

寄應相叔

漫興

除夕

元旦

戊戌

留都四首 偶讀莫方伯句因作

皇都四首

人日

喜諸孫作課呈館客

寄錢台津

簡斯近龍

簡朱鑑心

漫成

喜雨

苦旱

秋日山亭

村社

九日

夢回

得石

對菊

次朱秋元韻二首

對雪九絕

至日

應相教授陞益府紀善

懷應相二首

觀燈次韻

壽百歲王翁三首

醵宴

懷應相 有序

聞應相已至蘇州

喜應相至

二寶曲 有序

小齋

戒言

翁東白六旬

仰唐司理再娶後赴 益藩新任戲贈四首

仁鷄 有序

詠史五首

理園

牡丹

猛虎行

贈王學博之新任

臥起

對菊有感

紫芝歌示諸孫

菊

早起

漢冊

懷應相長史

懷顏傳學博

圍爐

劉使君郡齋雨後見千巖萬壑有作聞而和之

蓮沼

贈應相長史

贈還冲方伯赴廣東任四首

睡起

秋社

尋詩

答問

陰霾

偶見

斷交

披卷

作文

披卷

雪

卷二

雜詩

次受之韻寄汝亮於杭城

愁

春雪

撥悶二首

次韻

到山亭葵花已謝

不朽行

草頭露行贈臨安公

瞻太史王葵軒公真容

喜晴

謝小白惠竹杖侑以詩

陳甥歸自廣東二首

臨安公入釋戲贈

社翁篇

篋扇

有感

挽黃兩高按察二首

看竹

贈鄴松隅貢士北上

二老怨

大寒

雪

口號

客到

蒙茶篇

山亭漫興四首

喜二郎兩莊成三首

阮莊

宣莊

劉明府尊君受封

弔陳聞野回口占

老健

喜復宇仰塘見過

中秋

劉明府惠亭匾兼以二律次韻謝之

鄜范叔次韻為贈疊謝答之

撥悶

鄭復宇七句

冬至

卜築

古廟前大松

山亭望新造塔成因思街南一橋十年尚未
完工當事與有責焉悵然有作

鑿石二首

菊

挽徐生

京師

嘉林莊卽事 卽宣莊

俯泌莊卽事 卽阮莊

度日偶成

除夕 萬曆甲辰

撥悶

感事

偶成

覺姪來仍往父任疊韻贈之

識喜簡陳方伯親家

有感

蒙楊止菴少宰特薦不報二首

栖遲

有懷

高節婦

五洩篇寄葛雲嶽詞伯

雉文

題竹沙清隱圖

新構

雞聲

八旬元旦漫興

送伯安赴選兼待秋試

望塔

劍氣

壽明府柩回識感

送高少穎明府赴江右新城任

傳經

贈陶解元應試

贈陳汝明解元

雲嶽山人賦得觀音大士并其圖見惠圖蓋

一美人踏蓮花云因以老子觀井圖報之

賦此

八旬漫興

萬一樓餘稿成自嘆

丁未新正

外家舊園曾借人貯歌妓今已他屬而景物亦不可問矣過而有感

自述

窺園

客來

樹杪蜂窠

自嘲

新廟

論文有序

再遊鳳皇臺次古韻

鄭伯安自京回

苧蘿山次韻二首

對雪

雪

十二月十三日漫興

自答

述古

訪僧不遇

馬嵬

偶成

撥悶二首

偶成

口號

不寐偶成

自嘲

卷三

書

耽書

簡陳毅軒大尹

簡張四如秋元

簡朱石門

代方至答邑大夫

答范希陽

簡葉春元

啓

邀朱石門親家啓

辭劉貞一見召啓

答張含宇啓

啓邑令劉貞一

回壽家婚書

納徵書二首

傳

壽母鄭孺人傳

童節婦傳

贊

二老望四喜圖贊

朱肖泉像贊

卷四

序

毅軒陳公考兩縣績報最序

奉贈邑大夫貞一劉公序

贈慶元熊明府詩序

邑大夫劉公考最序

酈范叔詩集序

壽復宇先生詩序

王冶丘壽序

書經野規略後

漫書分水步簿

泌南王氏家乘後序

不惑編序

卷五

雜著

學術辨上

學術辨下

性命論

許魯齋論

文訓

訓告

喪服議

祭李廿一木匠文

卷六

雜著

酈氏祠堂記

陳都君墓碑銘

萬一樓居士墓誌銘

勅封安人駱母樓氏行狀

登四房義起祭先祖禮節

萬一樓續集目錄 終

萬一樓續集卷一

諸暨駱問禮子本 著

雜詩 韻用洪武正韻

看花

四月高亭春未闌
深紅淺白露華繁
三年不帶看花眼
萬朵齊舒喜客顏
地勝不嫌風雨妬
時清肯放酒杯閒
側聞遼海波猶沸
曠使縱橫杞慮煩

刈麥

刈麥處山磷磷
主人喜童僕馴隴
麥稔山雉鳴相雉

食麥人不驚未輸稅且種豆土美不嫌黃牯瘦莫待
時移風雨驟

其二

刈麥處溪悠悠主人喜童僕休隴麥稔溪魚肥以魚
配麥時正宜旣薦寢隨招客醉後兒童重列席風流
不數王侯宅

雲濟菴訪譽上人因弔古潭禪師

選勝探奇萬慮拋林深僧狎漸成交窻前草綠藏蛙
鼓樹杪烟清露鶻巢觀煮新茶香滿院笈通遠溜潤

蒸袍開山未久人難覓况向先朝問俊豪

詠階梯山十景

梯雲巖

曳履穿雲上千尋石作梯躋攀朝日近懸掛晚虹齊
皇序階難躡天門路不迷更登寧有旣已覺陋塗泥
瀑布泉

分得廬山勝銀河落九天迢迢穿鷲嶺脈脈吐龍涎
戛玉清聲越驚虹素質鮮徐凝才思薄洗句喜多緣

經箱石

偃仰臥荆榛離奇琢未成中堅絕纖塊外固勝重肩
玉筥傳來遠金滕棄置輕不看箕與斗千古擅佳名

蓮花池

本植污泥中澄波直幹通心空絲不斷葉郁蘂猶濃
艷冶呈朝露清芬浥晚風高僧堪結社杖履每過從

翫月坡

四山皆得月此地更澄清竹徑搖風影松梢滴露聲
蚪踪緣磴曲蛩語隔墻輕徑罷瀟然坐渾忘到五更

伏龍潭

神物原無跡深山借一瓢寒炎清徹底盈縮暗通潮
元氣從中益祥光分外饒霎時雲霧起霑霑出重霄

降魔石

老禪魔已斷誰待石爲降落落形難合磷磷性自剛
雨濡苔轉色草翳月生光山鬼憑多技真空萬劫忘

息心亭

禪定隨方得優游復此亭八窻朝日瑩一榻午風清
面壁藤纏膝依松石匣經此時真出世何物可將迎
放生臺

已謂無生滅胡爲復放生堯仁原自濶湯網欲誰矜
習習風雲護欣欣草木榮登臺興遠思戒殺亦人情

錢王井

鑿井八何在相傳浪有名地偏泉脈正甃古蘚痕清
松覆枝懸綆蘭叢馥入甌詩脾正消渴旋汲不須烹

山亭早秋

病起扶筇忽漫來四山暑退淨纖埃瓊枝種種芳華
斂所喜笑容尚未開

賦得多蝠巖贈講經僧

兀突巉岩萬蝠棲林深塢僻路無蹊循行音杭密綴雲
初起逐隊紛飛月尚低洞敞晝閒馴虎踞花開春暖
乳鶯啼么麼蠕硯皆堪佛珍重生公爲指迷

大塢菴道中口占

記得兒童課穀時小莊殘月蹇驢遲而今藜杖尋蓮
宇落日荒村漫覓詩

贈講經僧

出世原無術多君行早成信心天地濶說法鬼神驚
竹院陳清供梅牕貯稗經翻嫌面壁者隻履亦留名

自嘲

國事無聞家事傳坐中且少問奇賢不知蠹簡將何
用朝夕編摩似少年

喜鄴松隅得子

滄海遺珠賦未成忽聞老蚌吐精英萃盤應是光千
丈出櫝行看價五城傳業有人何論晚定天由我詎
須驚幾時解作高軒過置膝長歌罄百甌

送顏傳分教慶元

斂容就祿逐時豪屈指山程十日遙賣劍顧驢仍借

僕停車呼酒復揮袍春風桃李應多色夜雨琴書自
解嘲愧我池塘無好句霞牋頻寄慰霜毛

寄應相叔

一別千山十載餘風塵潦灑鬢毛殊平生好客貧如
故高論驚時老見迂檜挺岩崖雲冉冉梅橫澗壑日
吁吁春來雨露偏饒沃安得舟車過里閭

漫興

七十叨過又一年顏衰志短思茫然嚴寒對酒餘松
栢清暇開軒尚簡編行誼違時童穉諳文辭泥古子

孫傳

傳取士傳言之傳謂傳其泥古非傳其文辭也

仰稽前代人誰似擁腫

莊生自謂賢

除夕

鼓炮浴村徹夜清盛時黎庶荷昇平山深狐窟皆輸
礦海巨鯨波尚阻兵臺閣風雲千仞壯林泉日月一
樽輕明朝玉帛華夷會曲突誰承漢帝旌

元旦 戊戌

酒熟殺蒸草閣清梅開雪霽蕙疇平自甘泉石閒為
福敢謂岩廊笑有兵性僻固宜於俗遠年衰所喜此

身輕長風久已違宗慤夢幻猶揚萬里旌

留都四首

偶讀莫方伯句因作

虎踞龍蟠自古稱貞元際會聖神興八荒總闕忘
天塹一極中懸控地靈西北千關沙漠遠東南萬里
海波平小臣憶昔曾留滯竊仰開基制度宏

其二

一洗羶腥宇宙光臣民依舊濟冠裳匡扶大義踰
湯武疆里雄圖陋漢唐總攝萬靈祥自定偏安
六代恨俱亡秦人徒奉金為塚翼翼千年王氣昌

其三

巍巍城闕九重尊
禹儉周文道兩存
槐棘法宮熙日
耀旂常策府彩霞屯
玄湖圖籙函生齒
大祀壇壝
長瑞蓀雅仰
燕雲高萬丈
山川終是祖崑崙

其四

秀水名山繞
帝城梁園梵刹更充盈
群公休沐晨
多暇鎮日登臨宿尚醒
玉食老瑞迎趙孟
金貂公子
問侯羸蕭條側巷
棲揚子作賦惟聞擲地聲

皇都四首

治定功成鼎奠燕
勢從雲漢撫中原
藩屏麗朶夷爲
守襟帶江淮塹作鍵
東海波濤清浴日
西山巒嶂暖
生烟無疆直與乾坤並
不卜姬周郊廓年

其二

夏典商謨寶曆昌
武周損益更增光
續紛禮樂羅群
彥窈矯屯營控八荒
機務近臣時造
膝壯猷偏將
日穿楊
垂謀定極超千古
九列同心重廟堂

其三

未央漢陛列周官
從諫高皇似轉丸
郤坐伏蒲還

止輦埋輪請劔且彈冠五侯七貴旂常赫九陌千門
雨露寬鼎食鼎烹衡鑑正共嚴汲黯在朝端

其四

養民經國歲爲常九式均頒九府藏漕運萬艘俱則
壤供輸千錯總因邦寬租緩課蠲中帑投壁焚裘抵
夜光奕世祇承恭儉澤漢文刑措比成康

人日

曉起紅輪上碧簾尋梅策杖過松巖出猶健步諸親
喜入不停批老婦嫌祥協朔占潛自快迂煩杞慮欲

誰殲獨憐四海無知己酒債詩魔任意淹

喜諸孫作課呈館客

小閣留寒雨似絲春風別館製新辭窮能安命人猶
如老始知非事已遲水漲雅宜魚上下山高不辨鳥
雄雌箕裘在念貽謀拙所喜傳經近得師

寄錢台津

山館清閒路不遙知君琴劔已飄飄梅梢帶雪春猶
淺鳥語迎風午正嬌多士得師誰入室老僧好客自
供瓢新詩舊雅心無限小蹇初晴肯憚勞

簡斯近龍

四十餘年音問疎一樽邂逅意如初壯心俱已頭憑
白舊篋猶存學未蕪松竹迎風催岸柳杏桃畏雨讓
溪蒲晴和山寺期無負同過花村覓酒壚

簡朱鑑心

高閣談經列俊英皐皮擁座鬼神驚溪清山月浮花
影野曠林風送鳥聲舊挾釣鰲名已重新傳貫蝨技
尤精園亭雨霽披雲望隱隱飛翬瑞靄增

漫成

旱魃誰能遣天心未易通杞憂人嗤腐絳老道宜窮
懶僕過於主癡孫酷似翁莫疑湯德遠虞奏有南風

喜雨

亢陽千里溪斷流桔槔無聲尅巫愁黑雲冉冉霹靂
起須臾霑沛炎塵洗郊原不必問如何溝渠咫尺成
江河老穉歡呼競沽酒今年依舊稱大有官糧私債
勤輸將 朝廷應已烹弘羊太平氣象不勝紀短筆
糊糗聊疊疊

苦旱

秋前一雨差可喜飢者開顏病者起官司馳檄報三分間巷喧傳定千里日復一日仍亢陽百草枯死桃李僵踏荒使者音信斷鬪爭四起盜賊張天心仁愛良無已人事乖違不堪紀吁嗟旱魃不在天一言能使災星徙

秋日山亭

畏暑登臨興又刪新秋杖履趨清閒紫薇花發初經雨野葛藤長漫過壇四海輸將民力盡殊方征戍旅魂殘雅知肉食謀非鄙不敢尋常笑傲顏

村社

叢祠簫鼓繞村遊依舊繁華賽有秋旱魃始消騰復發征輸過半野稀收塵埃梓里唐風在雲樹燕都漢日浮浪逐少年歌且舞社錢肯爲子孫憂

九日

草堂對客喜秋涼菊綻萸香酒可嘗詩思不緣催稅索時憂翻爲盡歡長轉圜借箸籌原遠抵壁垂衣治自昌強欲登高勳力倦百年能有幾重陽

夢回

自分棲岩穴初心負笏簪所多田二頃不解口三緘
善飯廉頗老舖糟屈子慙無端連夜夢萬里動征帆
得石

埋沒不知年崇朝磊磊然昨收勞掘拔疊出喜牽聯
憶昔星精孕貽今宅氣宜築垣成紫塞甃井漾清泉
蒼壁烟霞麗端溪道路懸詎能須我急徒自得人憐
小大俱成用幽明總在天患無金石質寧患少良緣

對菊

去年菊花高一丈燦玉堆金大如掌今年枝幹不盈
尺移至堦前碎無色今年之菊去年種問君胡爲頓
相迴周郊旱魃同苦飢誰能復顧陶家籬艷麗雖殊
標格存霜清雨霽夕陽溫老僻渾忘倉廩虛一樽坐
對仍于于

次朱秋元韻二首

鹿遊石侶亂山深惠履時兼大雅音慨向鏡中看白
髮義慚道側拾黃金屋梁月滿三秋色杯酒風生萬
里心盛世周行俱俊傑可能常對伯牙琴

其二

相逢喜見舊時衫
離思翩翩酒後酣
市駿尚知收駿骨
刈耨寧遂棄耨簪
野橋枯柳含烟館
江艇新潮帶雨帆
前去梅花堪入賦
寒鑪佳什詎須談

對雪九首

夏旱連秋冬雨淹
蕭條閭里朔風嚴
三農佇望來年熟
雪大如拳不敢嫌

其二

對雪圍鑪手一編
如蠶細字忽盈牋
也知不是衰殘事
勝執牙籌理穢錢

其三

初見隨風一點飄
須臾到處撒瑯瑤
登樓自詫頭同白
不似千山見峴消

其四

中外臣民卜有年
戍遼將士憶鄉園
萬山深處容衰老
袖手長歌白雪篇

其五

園林一夜淨纖埃
百卉含真盡斂材
唯有梅花愛同調
枝頭生色似將開

其六

風雲布護勢難干
飛灑精英氣象寬
大地江山無不徧
試看厚處定因寒

其七

午烟稀處凍雲重
簞食誰將問困窮
太守欲知停蓋地
袁安蓬戶小橋東

其八

歌殘郢曲盞浮紅
車馬門前悄斷踪
好客平時期不到
剡溪寒棹沉愁風

其九

雕獅累塔鏤爲燈
雀躍諸孫各逞能
潦倒迂疎無作用
漫操短筆伍孩嬰

至日

歲歲荒村百事荒
中冬令節幸如常
宗祠俎豆衣冠肅
客館杯盤笑語長
雪霽枝頭春意動
詩成檐外日光揚
閭閻無恙岩廊福
礦使遙聞理去檣

應相教授陞益府紀善

遷階翻失意吏隱欲何從
路歷千山雪家存四壁風

飢荒村落散青阨歲殘叢請看門前柳柴桑幾樹同
懷應相二首

遷久應離任冬殘尚未歸清時知己少末路壯心隳
竹徑依山側茅菴出水隈儘堪淹杖履何必更徘徊

其二

聞入閩關去遙知一蹇驢歲殘冰雪路天末草茅廬
舊劔緱無蒯新詩寄斷魚故人青眼在莫謂遠遊迂

觀燈次韻

燈月交輝雪乍晴老狂不減少年情樓前縱舞千人

哄酒後長歌萬念輕烟火焜煌雲鳳接山棚兀突海
鰲撐良宵勝賞春來幾肯使塵囂日出生

壽百歲王翁古體二首

辟穀祈靈更餌丹幾人久視登仙壇張機蘊巧求富
有幾人盛滿能白首安庸守素隨天真眼前喜見百
年身田園市井忘日晏世事悠悠無健羨辭榮背辱
惟平平神閒氣王常惺惺 太平盛世王風古南極
祥光映門戶紫薇烏帶吐精英溪滿橋平瑞藹凝道
路騰歡兒女笑公卿動色褒章耀爲語傍人未足驚

天心福善日月明踐履從前能不改岡陵在望春如
海

又近體二首

絳人甲子古稱奇強健欣逢百歲期梁燕慣依門巷
舊海鷗不起雨烟微倚檐據几書開稗策杖看花酒
載翻若說彭鏗當日事我翁方在少年時

其二

松喬竹綠杏桃新酒熟殺馨鼓吹頻百歲況逢春正
好千聞不若見來真英山佳氣通南極楓水芳流據
上津安得乾坤同壽域笑歌無處不陽春

醵宴

林泉無勝事世故況多端好古忘方俗憂時悔去官
桑柔秧可嫁麥熟筍成爨醵宴羅山軟逢場且自寬
懷應相

解官後聞入閩以三十金貨一琴一劍遊關
中未歸

街頭日日望歸羈魚鴈蕭疎只浪傳閩道霜清蠻窟
近秦關月黑塞營聯錦琴調古知音斷玉劍光沉烈

士憐五柳逢春依舊綠解裝不必嘆無錢

聞應相已至蘇州

聞說吳門萬里舟囊空僕病髮颼颼官清解綬貧宜
速客久逢塲喜亦愁盛世山林堪稼圃老年堂奧在
箕裘虎丘風物看應徧繫纜何時泌浦頭

喜應相至

江海隨風棹衡檐對雨卮棄憑之任遠失路到家遲
擔息愁如遁孫生喜可知莫嫌歸計左不減出山時

二寶曲

有序

近得二物一曰白珊瑚杖夫珊瑚可杖難矣
而白珊瑚尤世所罕一曰蠟碧玉屐夫蠟屐
尚矣而所蠟之屐以碧玉亦世所無老漫瞻
玩無常扶杖曳屐卽履高蹈汗無所不可命
之曰二寶客有索觀者哂曰白杖蠟屐耳何
珊瑚碧玉之有曰汝以爲白杖則白杖矣我
以爲珊瑚則珊瑚矣卽易以珊瑚杖加健乎
卽謂之珊瑚何不可也汝以爲蠟屐則蠟屐
矣我以爲碧玉則碧玉矣卽易以碧玉屐加

便乎卽謂之碧玉何不可也客曰然則子無
實而盜名乎曰美其名者正取其實吾以砭
夫世之好奇而無實用者耳客大笑而去因
爲之辭曰金衣公子

潔素出天然曲離奇凜且堅提攜到處多方便周旋
席前逶迤徑邊霜華玉潤蛟龍現笑當年馳驅萬里

今爾握龍泉

右杖

蠟潤齒端平曳雙鳧一葉輕視謝家規製還周正溪
橋雪晴階苔露清在詩魔催促無泥濘論平生消能

幾兩珍恤過瑤瓊

不厭

小齋

積雨空階上綠苔小齋長日足清裁病因客到飄然
去事瞞詩成率爾來荷館燕飛簾幕靜竹籬蜂聚豆
花開遙聞中使縱橫甚止輦還誰對聖懷

戒言

雲邊鷹隼鳳皇儀鬪獸雌雄總在泥世事雅皆歸好
好人情那復顧期期春風庭院花爭發曉日簾櫳燕
自飛不飲何妨常似醉成蹊桃李本無詞

翁東白六句

公子當年標格殊風流老不忝尚書文章舊價輕鸚
鵡節操新聲重金魚玉樹庭柯凝曉露金英籬日映
秋渠平生莫逆誰過我末席驚傾上客餘

仰唐司理再娶後赴益藩新任戲贈四絕

結髮乘龍著祖鞭壯心犖犖老猶堅莫將末勢輕強
努已得鸞膠續斷絃

其二

老大盧郎官職疎田間饁婦勝當壚不知駟馬高車

去亦許文君並載無

其三

起家佐郡擅名城十載飄飄萬里旌當路不煩廉治
行宦囊來去一擔輕

其四

家貧渾忘客遊難瘦馬殘冬出遠關若遇故人休戀
戀試看不似舊時顏

仁鷄

有鷄將一雞雛飛入廚房置內子前去內子

欣然取雛養之予因以仁名鷓而紀之以詩
鷓擊當空趁草枯山林索徧及雞雛依人入室梁間
燕詣闕輸琛塞外胡來去匆忙成孟浪災祥猜度總
迂疎若攜赤子投慈母轉暴爲仁亦大都

詠史五首

趙括本將種慷慨喜談兵所讀固父書所得非父精
父口弗克難父心弗謂能一朝使爲將敵喜母氏驚
父子實相反敢不先事鳴趙主入間譽衆毀奚足憑
徒令闕輿日一旦照長平感激斲輪語千載有餘情

其二

扁鵲世已遠渤海復有秦齷齪爲舍長受術長桑君
藥飲上池水物知垣方人三日寤簡子偏方生寡臣
桓侯腠理疾曾足煩醪鍼語之滋不悅逃去求徒勤
李醢尤可笑智與逢萌鄰諱疾妒絕伎萬世同反唇

其三

將軍家隴西受射世不羈猿臂詎冠族才氣古所稀
射虎石沒矢飛悍匈奴幾危也結髮大小戰七十尚有
踦孝文嗟萬戶武帝憐數奇中才同事屬封侯列成

萬世續集 卷一
堤樂安何如者倏忽三公躋忿激望氣語淚落桃李
蹊

其四

都城過百雉尾大恐不掉所以古建邦止足守宗廟
漢封三庶孽東南盡邊徼鑄山仍煮海吳淠驚聚嘯
智囊發大難賈生與同調不削友卽遲禍大不可料
劉安鼂氏危急君忘父譙私讒社稷臣伊種本群盜
黨亂忍欺君天道孔之昭去聲所恨用法寬安陵只貽
笑

其五

武安昔未貴跪起魏其前仲孺痛父仇忿激勇且賢
天子思良相新貴誰能先懿哉羈福語克讓尊名全
此肩好儒術推轂論治原一朝時事別秉直移主權
將軍素剛烈坐法歸自燕陵上寵下輩食客廣田園
魏其同失勢引重相歡然駕坐豈大肯水濁歌潁川
仲孺不獨死安國喜徒言兩賢肯爲厲自討心所愆

埋園

主人八百始千年緝理何煩健費錢剖去藩籬真大

魏後人看我亦如前

牡丹

風致由來數洛陽幾枝山館亦芬芳罷琴覓句掀綃
幄投轄留賓洗玉觴瀟灑喜無朝市態迂疎肯爲子
孫忙紛紛蝴蝶來還住不問叢葵及海棠

猛虎行

村落家家早閉門門前暴客時紛紛暴客雖暴猶可
語猛虎出沒無朝昏岩高穴深莫知處一出三五還
成群方說西山失黃牯隨聞東野驅羊豚弱肉強食

獸性然幾家啼哭招徭魂吁嗟猛虎何不仁不食暴
客食平民安得將軍逢李廣毋令北渡還傷人

贈王學博之新任

雪霽梅開驛路新扁舟乘月渡江津官卑地僻誰知
已行直時清自可人五洩洞深雲靄靄鐵崖村遠木
欣欣柳逢若訝詩囊重爲道山川亦有神

臥起

藥餌經秋始奏功小園雜卉亦舒容桂枝花老還擎
月竹節筠成更耐風四海英雄新入彀千年貢賦舊

萬樓續集 卷二 十一
惟供草茅縱有遵堯錄誰與封章上 九重

對菊有感

分得名園別徑花蕭疎籬落儼陶家栽培不任兒童
力芳艷翻從里巷誇已見當庭籠日色更須張幕避
霜華隔年莫道秋風遠春雨根枝自發芽

紫芝歌示諸孫

靈芝曾聞不曾見一本英英春首獻紫瓣鮮明耀彩
雲漆榦圓精鐵同健產自山中榮我齋兒曹捧至顏
一開天生奇秀必有意洋洋瑞氣盈庭堦人言禎祥

不在物太和一點百靈鬱植槐愧我無義方玉樹凌
霄豈嫌掘掘而起誰爲師應不數牛醫兒如椽大筆
光離離此我眼前真靈芝

菊

數盆移置自山家不是柴桑亦堪愛灌細鋤輕轉有
神繁芟蠹剔偏多態逞艷如知杖履來遠氛寧顧簾
櫳隘把盞揮毫任意栽傍晚襟裙總生靄

早起

起舞雞聲坐甫安簾櫳紅日已三竿意長對鏡方知

萬樓集 卷一
老才窘臨文尚覺寬庭樹亂啼鴉亦鵲林巒高舉鶴
成鸞百年多少蹉跎恨猶喜衰殘未蓋棺

漢冊

漢冊虞弦雜魯尊南山坐對木欣欣庭堪羅雀心如
水技謝屠龍髻似銀晴暖一冬占禹極清平四海暢
堯仁杞憂顏樂俱成幻且閉衡門理舊文

懷應相長史

老大希逢世艱難不擇官宦囊償債盡旅況逐緣寬
流水環祠碧青山聳塔寒歸詞何日賦酒熟欲爲歡

懷顏傳學博

千里音塵斷三年夢見稀風霜催短髻桃李蘊芳姿
學飽成書肆官微足酒資池塘新得句欲寄尚無期

圍爐

霜嚴日暗雪情濃水陸奔忙朝市同櫛櫛滿爐兒女
笑更於何處覓仙踪

劉使君郡齋雨後見千巖萬壑有作聞而和之
雲斂朱薨翠箔掀滿城塵淨四郊鮮層崖塹遠虹橋
跨絕巘屏開瀑布懸應接常時多不暇徜徉此際爲

亂年 聖明雅重東南力收拾牙琴理舜絃

蓮沼

蓮沼清漪潤帶香豆棚高聳蔭生涼亂抽簡策鴉塗
徧倦倚棕藤蝶與長遠近萬家無我與賢愚千古定
誰強日斜客斷蓬門閉燕雀紛飛過短墻

贈應相長史

學道貧非病安貧道愈奇官廉名不起用儉債偏栖
似獨寧無子稱鰥郤有妻天心原與善何日福緣齊
贈還冲方伯赴廣東任

車馬填衢江滿帆旌旗動處酒俱酣臨岐莫唱陽關
曲千古聲歌重二南

其二

舊遊山海望雲霓伯起聲名關以西若過貪泉休課
吏世情今正薄夷齊

其三

晝錦榮光今古誇況來賓從徧天涯迂疎舊好無由
展更折車前柳一桮

其四

南溟波浪百年收
北極風雲萬里稠
庾嶺不煩多候
吏姓名久已覆金甌

睡起

午夢蘧蘧半未真
綠槐輪蔭送南熏
容顏鏡裏疑非
我姓字尊前久厭人
稻熟不嫌催稅急
詩成猶復檢書頻
百年事業今如此
碧沼青山帶白雲

秋社

古廟咽笙簧
鄉人總似狂
順成天已定
索報歲爲常
日影移疎柳
溪光漾短牆
喜無中使擾
扶醉且徜徉

徉

尋詩

獨坐思無聊
尋詩過石橋
溪清輕浥柳
徑遠側生苔
雲斂千峯出
風鳴萬葉飄
歸來無一字
還誦舊離騷

答問

潦倒山林百務荒
邇來奇致更郎當
迎賓冠服垂時
樣畏疾巾箱貯古
方句就懶書隨自
忘責多成債任
見償過承遠訊無
堪復兀抱牙琴倚
石牀

陰霾

風霾四望拂天來何日陽和萬里開漢室久輕徐福
論唐人誰識東之才 祖宗德澤過三代蒼赤尊親
徧九垓反掌中興 宣武在肖圖補袞及輿臺

偶見

大蟲欺小蟲沿村恣饒毒但知口腹肥不問誰骨肉
見之不忍驅不能掩耳遙聞泰山哭

斷交

岩穴甘幽討鄉村苦斷交文成惟自校酒熟欲誰邀
吾飯廉頗健多金季子驕非無肝膽契雲水路迢迢

披卷

漢道興隆日周民順治秋論文童子笑述禮達人尤
駭景嗟無術看山愧寡儔終朝搜敝篋攬盡古今愁
作文

攻文寧俗事所愧非名師洵美壯士恥垂時頑童疵
儔知前聖語千古留治矩賢才係升沉理亂不可舉
孟子號知言好辨何便便畫蛇仍畫虎不自知其然

披卷

懶性垂時好尚偏窮冬涉獵只殘編霜清景霽庭函

萬一樓續集 卷一
日火韞香浮鼎噴烟紫
蠓黃梁新綠
鷓鴣烏巾白髮舊
青氈兒孫亦解尋章句
盛世林泉合有仙

雪

一日二日雪不止
千山萬山光無垠
天公豈厭世界濁
故令變化成鮮新
可憐蜀犬驚乍見
奔走伏匿久始馴
請看豐瑞符徵應
普天甘雨當芳晨

次受之韻寄汝亮於杭城

一日三秋寸步千
莫耽都會薄鄉園
山莊梅柳鶯啼曉
村社桑麻蜡報年
蠲貸朝堂脩故事
謳歌里巷

起新編縱橫坦道憑
來往寧待河清鐵硯穿

愁

老景閒居事本稀
暗中檢點無如意
鄉里情疎筆硯親
文章道左兒孫棄
山深久破伯牙琴
水漲難施周處技
漫漫世路無不然
長夜徒悲一身計

萬一樓續集卷一 終

萬之樓續集卷二

諸暨駱問禮子本著

雜詩

韻用洪武正韻

春雪

冬雪本爲瑞雪多人尚驚入春常皜皜安得盡無憎
憑梅不讓月如柳復愁鶯明日溪橋霽邀賓自在行
撥悶二首

晚得兒孫力慚顏罷簡編杯深檐月下屐洗澗流邊
什襲藏燕石千金貨蠟鞭出言人共駭不必飲狂泉

其二

老人無別緒所望子孫賢野色春雲靄雞聲曉月懸
犁鋤欣有託經籍欲誰傳瓜瓞堪怡悅婆娑得幾年
渭水嚴灘兩巨兒釣竿百丈古今知臨流若恃陽喬
餌東海連鰲詎有時

次韻

到山亭葵花已謝

映水當軒朶朶鮮開從根榦漸層顛衰殘塵俗無心
看辜負韶華又一年

不朽行

十年鍊就九轉丹頑石一點朱提班白雲冉冉生足
下萬里咫尺蓬萊山世人不識神仙術傑傲蹉跎賊
天質威蕤齒落髮半白猶道長繩能繫日自古人無
百歲期作調欲與天地齊大道平平誰不有萬世幾
人真不朽

草頭露行贈臨安公

君不見西家主人多黃金酒樓百尺凌雲岑花開招
我時登眺清歌妙舞宜人心主人仙去嗣子幼塵埃

冷落宮墻深又不見東家有我愛經史書樓崢嶸亦
相似牙籤萬軸手未觸揮毫敗素兒童訾子孫長大
不解讀留與來世知何止中間一老殊稜層飄然來
往如遊僧居官十載非冷淡拂袖解綬無擔簦浮雲
流水隨所至老懷猶壯時騫騰世故難知星在霧賢
否興衰那足顧始思今是昨亦未必非富貴誰將金
石錮但儲美酒日召客笑傲同看草頭露

瞻太史王葵軒公真容

一代名臣幾似公仲舒文行漢時雄經綸未了胸中

蘊瞻拜欣逢意外容十里雲開梨塢雪滿江湖湧柳
塘風躊躇莫問麒麟閣顏巷還誰識舊踪

喜晴

一春寒雨如無日四面泥塗不堪出今日天公知我
遊揭開雲霧通車舟桃花爛熳柳弄色飄飄酒旆明
高樓登樓美人已先在世事浮沉不須采

謝小白惠竹杖侑以詩

紫竹新裁細且堅殷勤攜贈附新篇穿雲松徑堪扶
屐問酒山家足掛錢渡蟻編橋曾種德化龍縮地欲

成仙愧無高節當君誨珍佩相依過百年

陳甥歸自廣東二首

歲晚孤舟去春寒萬里回入門蠶正蟻濯足酒盈醅
雨潤苔堦闊烟清岸柳輝相逢問行徑共惜老顏羸

其二

風雨兼逢雪方知行路難故人多玉帛客子渡關山
過嶺梅千樹歸湖月一彎衡門春自足安臥且加飧

臨安公入釋戲贈

彈冠曾佐郡解綬復參禪行特從人訝家貧只自憐

碧山多紫霧白社有青蓮名實無勞問聊因謝世緣

社翁篇

時和年豐賽神會遠近奔騰喧鼓吹珍聚奇羅物用
饒祥日光雲競輸瑞肯隨年少騁顛風人人笑指白
頭翁年年看社人如蟻得到白頭百中幾去年老者
今來稀今年難作來年期蓬門矧與神廟邇酒熟雞
肥湖蠓紫親朋畢集兒孫從夕陽在地歌未終我能
事神神福我潦倒迂疎未爲左社錢儘憑兒輩供白
頭常作社中翁

篋扇

斂襲藏深篋，憐馨雜彩芝。莫疑成棄置，自有用君時。
有感

補天時抱女媧籌，異物非緣黷貨求。信有夜光堪鍊石，不妨常向暗中投。

挽黃兩高按察二首

洛陽負郭喜無田，齊魯多才卻薦賢。火色鳶肩方軼馬，急流勇退復追錢。鑑湖舟楫樵風正，石壁樓臺梵月懸。他日後生尋故事，欲於何處定心源。

其二

每恨山溪雪棹還，何堪城館鎖雲關。兒能傳業箕裘在，婦未歸阡隴兆閒椽。筆永輝茅舍色，郢斤時整野人顏。朶芻莫展徐生緒，偶對西風兩淚潺。

看竹

志量三槐遠，風流五柳陳。呼醪澆午夢，把菊攬秋雲。獨行無知己，煩言不動人。倚欄看竹箭，落籜已成筠。
贈鄴松隅貢士北上

結髮憐予謁，有司君才卓。犖冠當時白，首慚予怯舊。

袍君纔入彀伍賢豪君身不長貌不揚文章落筆時
擅場回視同袍堪作祖矍鑠彎弓能射虎相逢莫道
功名藐惟藐不嫌人已老相逢莫道功名遲惟遲所
以人稱奇伏生一語驚漢武雍熙及第非遠古絳人
甲子不易知霸秦百里當其期安常守義原殊衆晚
得一官寧復縱春風萬里拂行鞚飛動迂疎願執鞭

二老怨

君子樂天何所怨對景興思我獨深飲酒吟詩必有
伴不見四皓棲商林眼前二老英且達結髮與我皆

同心翱翔雲路各有向歸息巖穴誰能禁夫何白首
若傾蓋跡邇心遠殊蘭金炙手可熱今既高視釜中
生魚今卑不任經營旁午日不給忘我鄙錮不我箴
時丁嘉會如道路寒溫不敘矧古今有酒成獨酌有
詩成獨吟老成既如此能復伍青衿怨人須艾已願
天鑒我無聊悒鬱之微忱生人不問雅與俗但令多
福禍不侵百年瀟灑能好事花朝月夕常相尋

大寒

白酒紅爐煖殘年入大寒湖光吞凍月雪勢壓晴巒

望道慚空老憂時悔去官春還應不遠懷抱且爲寬

雪

一冬無雨欣逢雪四顧無交恥抱琴中使守常鄰犬
靜外夷知劄塞鴻沉竹邊梅綻巖風妒岩下泉清古
木陰漫擊唾壺歌郢曲可憐寡和不成音

口號

世事紛拏醉夢中纔勝冠履已成翁總便解角嫌齟
齒初謂求魚卻射鴻市有黃金人影滅術神伯樂鹿
群空雌雄莫道烏難辨自是王公好畫龍

客到

得客忙收卷袂寒慢洗卮老來新識酒愁去舊耽詩
小澗浮金鯉深巖長玉芝平生飛動意相對總無辭

蒙茶篇

陳生隨任歸就試飄然惠我蒙山茶呼童洗甌烹雪
水龍團雀舌無足誇生云此茶新長價沂流潔比江
心嘉素濤傾入盧仝碗作賦無煩手八又近得州尊
仁且哲盡消渴脰民無譁政廉但飲沂川水品味不
數名山芽化行俗轉物爲重家君手裏心無涯緘中

一紙尤可玩龍蛇飛動開雲霞文辭剴切鑿有據母
氏令善生大家有子足傳先世業慮長更納大都娃
繡戶羆熊還兆慶錦庭蘭玉旋增葩閨壺當晨鼓琴
瑟康莊竝轡馳騶驎子路南遊思負米臯魚風動驚
栖鴉沂流浩浩恩波濶鄉樹依依孝感遐平生羨懿
尤憐勝裏糧挈友徵仙艇每憶當年登岱嶽展忙騎
促成紛挐不必長房爲縮地春風時動隨征駕仰扣
天門俯海日三觀遠邇清塵沙下展闊襟兼覽德因
蠡沂水嘗蒙茶

山亭漫興四首

小亭無伴悄然登老健清閒倍有情山勢控湖涵野
色溪流穿市引潮聲樹舍宿雨臨岨峻鳥起崇岡傍
日輕聞說縣官新政好慢呼羸僕計春耕

其二

誅茅鑿石豎軒楹老父當年結構精木末塔陵山寺
近樓頭人過市橋橫石梯鹿上雲初散水藻魚浮日
正晴四顧頗添新氣象衣冠安得復游行

其三

南鎮雄分禹穴埤逶迤至此長靈芝湖吞潮汐盈虛
定石蘊精英紫白奇烟樹千家春雨霽雲山萬壑夕
陽遲登臨莫羨平泉勝今日還誰洗玉卮

其四

麓淺門幽地半蓁獨憐雄槩可邀賓一泓瑩玉源通
海雙樹騰蛟勢入雲潮上三江瀾極浦障連五楫映
朝暎蘭亭咫尺遺風在無奈迂疎莫與群

喜二郎兩莊成三首

文以人嫌加練琢性緣僕懶益迂疎隴梅雪蕊陵晨
覓園薤水根待日鋤散籝豕魚頻校訂迎賓杖履任
催呼獨憐新築山莊就遠俗脩儉遂宿圖

阮莊

倚隴臨湖館閣開村深市遠俗無猜山從禹穴穿雲
到潮自錢塘噴雪來稼穡及辰隨限賦桑麻成織未
寒裁歌邠擊壤修裘冶白髮青衿聚滿齋

宣莊

野廣林遙卜築幽雞栖豚柵稻梁秋喜無車馬過門
巷儘許稗編對瓦甌月落淒風生壠木雨收祥日照

沙鷗數奇莫說當年李一字成玄萬戶侯

數音朔

劉明府尊君受封

劉青陽人

懿秩耆儒子績諧鄉邦爭羨啓承材九華日映江湖
動五洩雲穿嶠壁來彭澤柳先槐彩茂河陽花傍大
椿開 聖朝治典先仁孝次第 恩光接 上台

弔陳聞野回口占

強飯含辛久扶衰出弔遲方圖新歲會轉覺故人稀
紅日妍山館白雲閒水涯相逢不飲酒猶自說心期
老健

老健新辭疾清閒舊賸恬鵲巢繁樹杪魚網掛門檐
簫鼓燈喧夕鶯花酒動帘幾人真百歲尚爲俗緣淹
喜復字仰塘見過

梅開竹迳入簾芳二老飄然過草堂病後始知衰是
實醉來不覺語尤狂久晴雨喜雲溪漲漸暖寒留雪
嶠光白首不妨常漫聚世情俱合付兒郎

中秋

萬里光華萬里心一尊對客坐更深蒼松榦老堪來
鶴丹桂香浮暗襲襟孟浪當年長袖舞迂疎此日白

頭吟莫論隔歲期難定且競今宵景未沉

劉明府惠亭匾兼以二律次韻謝之

忽爾琅玕贈雲霞繞棟飛聚看觴漫洗靜對日忘移
作用流傾峽詞華錦出機吹噓徒借力灰冷更然稀

其二

少壯多迂僻看雲意欲飛岱宗持塊益王屋訂期移
瑟中軒轅律槎衝織女機蹉跎頭白盡羸得見知稀
酈范叔次韻爲贈疊謝答之

千里終須到三年尚未飛韶華忙易過心事苦難移

緬憶萊蕪釜

范叔尊君佐邑有清聲

渾忘杜德機莫嫌相見數

詞賦似君稀

其二

抱膝吟梁甫無情歲序飛柳塘乘月步花徑避霜移
更駕窮邊騎投梭老婦機狂歌非白雪敢謂和人稀

撥悶

眼前稀特達誰爲引書香山斗雲霄重芝蘭綺院長
東家今有鄭西蜀別無揚留得簫韶在虞廷鳳自翔

鄭復宇七旬

果熟殺蒸酒似泉賓朋歌舞徑籬前琴書筆硯陶家
月蓑笠犁鋤錦里園屋角鵲巢晴帶雪山邊魚瀨暖
生烟門庭不到催租客何處還尋出世仙

冬至

歲月奔忙待若何前期寥廓更蹉跎 九重輦止金
同土四海風清水不波松栢陵寒容亦悴龍蛇畏臘
蟄猶多天心此日陽和轉行看人心轉太和

卜築

卜築舒遲漸向成慮非西蜀草玄亭烟霞綺麗闌晴

嶂松竹森羅列翠屏一飯詎能忘 聖主萬間安得
庇蒼生蒸嘗自此增嚴重老景琴書分外清

古廟前大松

山深廟古樹參天溜雨陵霜不計年爲問秦人封禪
處幾株依舊裊風烟

山亭望新造塔成因思街南一橋十年尚未完
工當事與有責焉悵然有作

大暑秋深尚未消山亭杖履夥兒曹日斜傍日看新
塔雲動披雲說廢橋漢帝罷臺材已具秦人驅石海

原遙么麼眼底雌雄辨潦倒迂疏只自嘲

鑿石

路側潭深每戰兢削平一日往來輕莫言咫尺非弘
濟蕩定乾坤只此情

其二

山上浮屠百尺懸山前綠路石痕鮮仰看俯履皆常
事爭是人傳元祐年

菊

晚節幽香信可誇年年移到野人家客來不問栽培

力只說庭前氣味佳

挽徐生

聞汝辭賓館愀然動我思青雲人重器白雪自矜詞
澗淺泉來遠星多月上遲愧非蘭芷室徒抱百年期

京師

偶逢京客問 京師 天心仁愛 聖心知百官痛
哭且流涕章奏徒多事無濟君不見齊廷暗鳥蹲三
年一鳴驚人飛冲天 太平天子顯神極 乾轉坤
旋何可測

嘉林莊卽事

卽宣莊

策蹇陵晨野色開
山莊兀坐淨氛埃
驅牛佃客攜漿
問得兔樵翁換
盆來澗淺流長
時見石山深林
曠舊
多材明朝訂約
還將友莫使雞
豚破碧苔

俯泌莊卽事

卽阮莊

山濤清嘏撫瑤琴
不是當年梁甫吟
泌浦潮生漁艇
亂瞻峯障遠獸
羅沉桑麻百里
村村錦秉穡千
家粒
粒金袖手怕聞
天下事逢人先
說歲華侵

度日偶成

歲月蹉跎去若奔
進無功業退無
文旂常未許標
名
姓書劔那堪授
子孫送酒白衣
迷菊徑問奇青
髻向
侯門獨憐藿食
便樗棄踪跡年
來不出村

除夕

萬曆甲辰

身世紛拏詫復驚
歲華夜分又新
正途長自誓難
中
輟日暮何能更
倒行負俗脂韋
歌石爛匡時砥
柱待
河清逍遙几杖
還強飯笑聚童
孫較課程

撥悶

自負文無害經年
費琢磨篇成兒
輩請卷積鬼神
訶

杵作鍼非易青從藍出多子雲生後世吾道未蹉跎
感事

惻隱心皆有相看只共嘆從權援嫂易以暗授珠難
炎日未增秀西風葉向殘歲華如不爽春色自須還

偶成

解組歸來二十年迂疎依舊蕪

上聲

田園酒酣漫舞歌

猶健弦忘當調柱尚堅樓圍獨回稱道亂泄門時閉
禮儀偏粗衣糲食兒孫貢邊腹陶籬 帝舜天

覺姪來仍往父任疊韻贈之

抱病不覺過新年乍起憐伊返故園燿燦鴈封嗟老
大寂寥魚釜識窮堅三春桃李鶯花暖五鳳樓臺日
月偏爲報惠連常在夢對牀何日共鈞天

識喜簡陳方伯親家

長孫纔得子長子又添孫似綫書香藐充閭宅相存
誰言催我老自喜欲人聞但保無菑害賢愚未足論
有感

業已爲馮婦猶然慕仲弓身無懲勸責事落罪知叢
鷹隼雲霄迴松篁烟雨濛世緣人自結兀自嘆遭逢

蒙楊止菴少宰特薦不報二首

伯樂能知我誰輕郭隗金洛陽年少涕梁甫里中吟
突曲薪須徒鞭長馬不任追思前後事掩面拂衣襟
其二

聖世本憐才迂疎博忌猜孤村無倚賴四岳喜招來
報德心神猛程能歲序乖浮華容易謝珍惜徑邊苔

棲遲

莫謂渾無事棲遲咫尺間童孫呈午課老僕理秋蘭
雨裏人過喜雲邊局散閒案頭翻日記酒債已須還

有懷

我欲招君返君翻惜我閒短衷唯有國長計莫如山
北闕華胥夢東流砥柱瀾老成今幾在隨地各加
殮

節婦

怪道旌章播九州閨門表則丈夫儔伶仃兩口孤
燈暗狼戾千屯衆目仇徙宅突然成大器懷臺卓爾
守丹丘傳經一脈慚無補友見終看鑒賞酬

五洩篇寄葛雲嶽詞伯

五洩穿萬山歎礪風捲雪鴈蕩與爭奇來遊總英傑
葛生好詞賦山水興尤烈新詩每寄將無由挹光哲
忽捧瑤華章謂當訪迂拙因得覽名山絕勝探禹穴
不特素心酬山靈亦欣愜人事易蹉跎孤負黃花節
以君超邁風五岳跨如垤況此咫尺間寧使耳徒熱
顧婦儲斗酒林深更多蕨一飲揮百篇豺狼跡應滅
君不見潛溪遜世翁長篇紀行履自此遂從龍勳
業炳丹闕地重固因人人起地令掘勝事久已堙
誰能補其缺

讎文

向晚讎文罷蕭然萬慮空雲連山已雪烟直院無風
世態隨時變人心亘古同見曹渾未解種柳拔杉松

題竹沙清隱圖

屋後蕭疎溪伴竹屋前渺渺沙成簇喬木周遭蔽竹
叢水漫平橋沙潛踪磯邊日照風入林屋中琴瑟龍
鳳吟道人少年飽經史不謁金門博朱紫杖頭一倒
驅神鬼萬里看山輕越嶠歸來妻子笑空囊光離錯
落羸琳瑯在家日少出路多蓬門常閉兒童歌我有

西樓集 卷二 七
山亭臨爾屋竹沙秀色遙堪掬對景看圖分外清綠
陰碧沼飛鳩鵲

新構

水轉山迴竹木稠突然新構鬱蔥浮段干已負文侯
式孟獻曾承向戍尤歌舞蒸嘗林壑曉衣冠琴劍稻
梁秋迢迢無意吟梁甫那敢隨人說杞憂

雞聲

雞聲咿啞曙星明里巷奔趨殿陛盈撫枕山翁嫌太
早夜來吟苦酒初醒

八句元旦漫興

壯志崢嶸老尚堅陶琴魯酷索丘編相逢莫訝衰頽
其自是姜公應卜年

送伯安赴選兼待秋試

才偉志終伸飛揚正及晨馬頭芳草遍渡口杏花新
直北群空驥河陽景待春佇看分俸疏垂白有雙親
望塔

遙看新塔聳欲擬舊峯高曉日開烟樹春湖濺海濤
僧來知有院鶴下未成巢是亦千年調何論萬里橋

劔氣

英英神劔氣直射斗牛墟誰作豐城令雙龍夾日飛
壽明府柩回識感

花開花謝霎時中蛺蝶紛飛第趁風種樹獨憐當日
意殘雲淒雨泣晴空

送高少穎明府赴江右新城任

絳帳初臨士氣增攜琴忽去故人驚文章返雅思歐
老行誼還淳說董生燕市臺空紅日曷滕王閣迴白
雲停河橋柳色盈尊綠佇待鴻飛報政成

傳經

用世心違萬事空傳經百歲意猶濃已知馬服庭前
論能必揚雄日後逢桃李繁華芳徑暖槐篁清蔭碧
簾重徂徠留得根株在秀色千林冽雪中

贈陶解元應試

詩禮粗聞老盡遺解頤山館得明師槐亭日永涼生
席桂苑秋高馥滿卮奪璧自能標赤幟點頭誰復待
朱衣人疑定遠平平論爲道任君久始知

贈陳汝明解元

我欲頌君廉廉乃士之常充之至於爲伯夷伯夷人
所不願居我欲頌君孝孝亦士之常充之至於帝有
虞虞帝人所不敢居我欲頌君文文亦士之常至於
後世稱韓歐韓歐人所不易儔問君囊束脩之外無
餘錢問君堂左右善事無間言經明行修陶陶然主
司品第常居先鄉書時漏旌遺賢弟子前後多騰騫
儀刑特立瞠乎前所貴益壯還益堅行看一舉 策
臨軒終輸雅志王路平於戲老我人棄捐滿腔心事
誰與傳憐君不鄙時談玄忽漫一吐非真詮

雲嶽山人賦得觀音大士并其圖見惠圖蓋一
美人踏蓮花云因以老子觀井圖報之賦此
感君贈我大士圖冠以雄詞圖增都報瓊敝巷乏好
景婆娑老人窺古井腳踏蓮花泛海濤井覆車輪繩
纏腰兩者用心何迴別與君細玩無他說

八旬漫興

飽食溫衣八十秋乾坤覆載更何求過多時謝慚難
補官蹇途長幸早休策杖出村看射虎呼童乘月飯
歸牛避喧尚訝非深谷雲白山青護小樓

萬一樓餘藁成自嘆

不譽何其甚淋漓數百篇我惟歌下里人謂飲狂泉
老子能知白侯生始識玄莫將秦璽璞輕擲楚堦前
丁未新正

持杯自嘆性多偏坐對南山思杳然天幸新正開九
秩話長舊調作千年雲開北海龍遭睡夢入南柯蟻
識賢莫道徒薪非上客草玄所少早歸田

外家舊園曾借人貯歌妓今已他屬而景物亦
不可問矣過而有感

鶯啼草綠柳垂垂徑斷流長古岸頽是亦當年歌舞
地後來還識主人誰

自述

知己晨星耿幽栖老更便猶存區世慮動取少年嫌
北極風雲壯東山勝槩偏料應牛斗分劔氣不時懸
窺園

少年曾發憤老尚不窺園偶爾扶筇到清秋景物鮮
豆乘重九熟酒釵菊花妍世慮從無染盆聲隔竹傳
客來

抱膝吟梁甫脩然歲月逋文章豪士賤名姓野人呼
湖稔舟車集山清虎豹徂客來童僕喜村酒正堪沽

樹杪蜂窠

傍日天圍近乘風霧散多我方虞毒蠱人盡仰高窠
采結難成蜜懸維不待蘿丁丁勞匠斧莫戀舊山阿

自嘲

淨几明牕錦繡編六經若箇得真傳文成自賞人爭
誚事寒同嫌已獨便畏虎出村驚射石聽鶯攜客暫
窺園桑榆景短風流遠肯慮兒孫少社錢

新廟

江岸宏開翼翼祠水光搖日動簾絲不須更問遵何
典縣主親臨裸玉卮

論文

有序

文章之敝至今日極矣予不得已有作詬之
者無閒遠近親疏而間有譽我者尤爲可笑
喟然賦此

今古文章重孟韓起衰承聖主治平聲安人心不同有
如面馬肉可食何必肝萬里江河爭浩瀚一天星斗

共芒寒總由元氣從中益未許侯芭象外看

再遊鳳皇臺次古韻

儀鳳高臺兩度遊韶光似水暗中流六朝混一歸
真主萬戶繁華徧畝丘豪客競誇新得句大江仍見
舊分洲莫疑弔古無清況 盛世浮生詎識愁

鄭伯安自京回

待詔公車久無媒季子歸解囊存舊劔問米得空壘
風木終天恨鹽車曠世悲平津曾獨對莫道髡毛摧
苧蘿山次韻二首

溪轉峯迴小徑斜離城臨市鎖雲霞共憐此地山如
畫不見當時貌似花戰敗力求傾國色功成誰問賣
薪家村中士女今非昔肯向江邊更浣紗

其二

奔馳一使兩朝通燈燭蘇臺徹夜紅吳越興亡如昨
日蠡員成敗逐颶風漢從胡地留青塚唐向鬼坡望
紫宮芳草斜陽多少恨西村烟月五湖中

對雪

數點飄風梅有色一痕留月竹無聲總輸把酒登樓

望六合塵清晝夜明

雪

曝背當檐愛日新雲連氣合轉精神固多摧折休徵
蘊任是鋪張潔白存策蹇問梅過野寺圍爐煨芋佐
芳尊須臾融液渾無跡萬彙淋漓總入春

十二月十三日漫興

八十年餘壯志隳緬懷今昔尚追思馬經蜀道步偏
正鴈到衡陽陣自回渭水釣磯朝日麗鑑湖樵徑晚
風綏陳編滿案尋常校還夥鄰翁弄酒杯

自咎

任俠非吾事解紛憐彼艱鄉鄰有鬪可閉戶從井救
人寧等閒魯連一言秦失帝得肉乞火去婦還明珠
不以彈飛鵬卷土何足增太山嗚呼一肯成大隙种
放晚節幾希間

述古

子產存鄉校田文止象牀揚干如可戮魏絳劔凌霜
訪僧不遇

日照禪林風動幡鴉鳴蟬噪竹林間本嫌塵壒尋僧

話僧到于今亦不閒

馬嵬

鼙鼓漁陽動地來秦關失險漢廷埃遠巡翠輦殲妖
孽留守青宮起草萊夷甫信能知石虜楚昭終不惑
河裁倉忙四紀興亡恨都在蕭條古驛堦

偶成

老去誰為侶新裝舊篋書客稀交本寡僕懶事多需
煨芋爐添炭呼猫食剩魚世途何必問總與素心殊

撥悶

韶光不可住髮白忽已黃在世應不久憂世渾無方
所憂問何 時違村中無長者欲語還對誰
披卷覓古 不起索酒聊自寬朝聞未為喜

其二

文王視如 對泣而况冤當理
分符長一 不得所此心能自己
身退焉用 忘虞桑梓情不朽

偶成

少壯攻文

知書我已慚無

婢越國

傍榛雕

口號

朝端獻策

穩飢來

不寐

不死盆成

生董仲舒

道脈多半困成儒

自嘲

傷老寒威凜偷安意味清晚

月淡朝日挹霜輕

出路龐先道窺園鵲暗驚童孫

課引動少年情

耽書

耽書存舊

券御不

推疾愁來每仗揮

圍爐嫌几

心靜爐紅日又輝

萬一樓

菊問奇几杖道

方萬鈞

賢近得一方心地

楊維真

共

國



